

IZVJESTAJ IZ REGIJE: GNJEV U BOSNI ZBOG ORICEVOG HAPSENJA

Author: [Amra Kebo](#)

Mnogi bosanski Muslimani optuzenog zapovjednika dozivljavaju kao heroja

Hapsenje Namera Orica - bivseg srebrenickog zapovjednika - izaziva nedoumice i nekoliko tjedana nakon sto se odigralo.

Orica su u Tuzli (sjeverna Bosna) pocetkom travnja/aprila oteli neuniformirani ljudi. Protiv njega je u medjuvremenu pred Haskim sudom tuzilastvo pokrenulo postupak zbog ratnih zlocina za koje je on navodno odgovoran.

Ali, u samoj Bosni spomenuti je dogadjaj izazvao pravi revolt - pogotovo zbog cinjenice da je SFOR odlucio a Orica uhapsiti silom, umjesto da ga pozove da se dobrovoljno preda. Kao sluzbeni razlog naveden je strah od njegovog moguceg bijega. Ali teorije zavjere se mnoze.

Novine su ovog tjedna prenijele informaciju da je hapsenje uslijedilo neposredno posto je grupa maskiranih osoba pokusala ubiti osumnjicenog - uslijed cega se NATO navodno zabrinuo da ce, ukoliko ga brzo ne uhapsi, mozda doci i do novog pokusaja ubojstva.

O pokusaju da se Oric ubije govorio je i Hakija Meholjic, jedan od srebrenickih ratnih zapovjednika. On je izjavio da mu je Oric ispricao kako su nepoznate osobe gomilom kamenja blokirala put u neposrednoj blizini njegove vikendice u Kladnju. Nakon sto je izasao iz automobila kako bi uklonio kamenje, uslijedila je pucnjava.

NATO je rekao malo toga, osim da Oric pri hapsenju nije pružio otpor.

Ostali su spekulirali da su ga uhapsili placenici, a ne komandosi - a ta je teorija postala popularna otkako se proculo da su ga u civilni kamion strpala cetiri neuniformirana lica. Jedini vanjski znak prisustva SFOR-a bio je americki helikopter (model "Apac"), koji je u vrijeme akcije kružio naokolo.

Nakon hapsenja rasplamsale su se strasti, posto Orica vecina onih koji su prezivjeli pokolj u Srebrenici smatra herojem.

"Sramota. Uhapsili su ga samo nekoliko dana nakon sto smo sahranili 600 ubijenih stanovnika Srebrenice!", protestvirala je Sabra Kolenovic iz Udruzenja majki Srebrenice i Zepe. "Oric nije ratni zlocinac, nego covjek koji je branio vlastiti narod."

Jedan od vojnih ratnih zapovjednika iz Srebrenice, Zulfo Tursunovic, izjavio je: "Naserova vojska nije ubijala zene i djecu i on zbog toga niposto ne moze biti ratni zlocinac, nego samo nacionalni heroj."

Predsjednik Izvrsnog veka općine Srebrenica Sadik Ahmetovic opisao je Oricevo hapsenje kao vrhunac cinizma. Ono nije bilo neophodno vec i zbog toga sto je Oric prethodno obećao da ce se dobrovoljno predati - izjavio je Ahmetovic, koji ocito izrazava i misljenje mnogih drugih.

Sulejman Tihić, vođa Stranke demokratske akcije (SDA) i član bosansko-hercegovačkog predsjedništva, smatra da će Oric na sudu dokazati vlastitu nevinost. "Istina je da je on u Srebrenici branio nenaoružan narod od agresora koji su htjeli da ga unište", rekao je on.

Cesto se, međutim, čuje i sljedeća primjedba: Oricevi zločini - ubojstvo sedmorice Srba - ni izdaleka se ne mogu usporediti sa zločelima više tisuća srpskih vojnika, od kojih nijedan još uvijek nije optužen.

Sasvim drugačije raspoloženje i atmosfera vladaju među Srbima u Bratuncu, nadomak Srebrenice. Oni pozdravljaju Oricevo hapšenje i kažu da počinju vjerovati u pravdu, te da stječu povjerenje u Tribunal.

Jovan Nikolić, Srbin iz Bratunca, tvrdi da je bio svjedok zločina koje su muslimanske snage počinile u selu Kravice. "Ne bih mogao reći je li Oric i osobno umiješan, ali su te zločine počinili vojnici koji su bili pod njegovim zapovjedništvom. Zbog toga njegovo hapšenje predstavlja olakšanje za mnoge lokalne Srbe."

Perica Vasović, predsjednik udruženja invalida iz Bratunca, kaže: "Naserov odlazak u Hag pokazuje da će pravda stići svakoga. Otkako se to dogodilo, počeli smo malo više vjerovati da Hag nije pristrasan - da ne hapsi samo Srbe, nego sve one za koje se sumnja da su počinili ratne zločine."

Amra Kebo je novinarka sarajevskog dnevnog lista Oslobođenje.

Location: [Bosnia and Herzegovina](#)

Source URL: <https://iwpr.net/sr/global-voices/izvjestaj-iz-regije-gnjev-u-bosni-zbog-oricevog-hapsenja>